

SO WHAT

- Basahin ang Efeso 6:10-18. Ano ang sinasabi ng sipi na ito? Gaano ito katotoo sa iyo ngayon?
- Binigyang kahulugan ang pananampalataya sa Hebreo 11:1. Saan nakaangkla ang iyong pananampalataya? Bakit pupwede nating ilagay sa Diyos ang ating pananampalataya?
- Anong mga aral ang matututunan mo sa Santiago 5:13-18 tungkol sa pananampalataya?

NOW WHAT

- Sa pang-araw-araw mo na pamumuhay, masasabi mo bang lagi kang handa sa labanan? Ano ang kulang o mahina sa iyong baluti?
- Anong mga pangako sa Salita ng Diyos ang makakatulong na palakasin ang iyong pananampalataya para sa kalagayan na iyong kinakaharap? Humiling sa isang pinagkakatiwalaang kaibigan na samahan ka sa panalangin at tulongan kang alamin ang kalooban ng Diyos sa iyong sitwasyon.
- Sino ang maipagdarasal mo at mapapalakas mo ang loob sa linggong ito?

PRAYER

- Pasalamatan si Jesus para sa ganap Niyang ginawa sa krus na nagbibigay sa iyo ng kakayahang mamuhay ng matagumpay. Mangakong lagi mong isusuot ang buong baluti ng Diyos upang isabuhay ang tagumpay na ito.
- Yayain ang Diyos na ihayag Niyang lalo ang Kanyang sarili sa iyo at palakasin ang iyong pananampalataya.
- Manalangin na ang bawat isa sa inyong grupo ay lumakad ng may katagumpayan na nakamit ni Jesus sa krus.

WEEK 3 FILIPINO



Paano?

NOTES

CONNECT

- Anong paligsahan ang nasalihan mo noon? Paano ka naghanda para rito?
- Papaano mo napapanatili ang iyong kalusugan at pinoprotektahan ang sarili mo sa sakit?
- Ano para sa iyo ang pinakamabilis at mainam na paraan ng pag-uusap? Papaano mo ito isinasagawa?



VICTORY

Karapatang Pag-aari © 2014
 Pinahihintulutan ang pagkopya ng lathaing ito na galing
 sa Victory® para sa kagamitan ng lokal ng simbahan.
 Ito ay hindi pinagbibili.
victory.org.ph

WORD

¹⁰At bilang pangwakas, magpakatatag kayo sa Panginoon sa pamamagitan ng dakila niyang kapangyarihan.

¹¹Gamitin n'yo ang lahat ng kagamitang pandigma na ibinigay sa inyo ng Diyos para malabanan n'yo ang mga lalang ng diyablo. ¹²Sapagkat ang kalaban natin ay hindi mga tao kundi masasamang espiritu sa himpapawid—mga pinuno, maykapangyarihan at mga tagapamahala ng kadilimang namamayani sa mundong ito. . . . ¹⁸At manalangin kayo sa lahat ng oras sa tulong ng Banal na Espiritu. Ipanalangin n'yo ang lahat ng dapat ipanalangin. Huwag kayong magpabaya: patuloy kayong manalangin lalo na para sa lahat ng mga pinabanal. EFESO 6:10-12,18

WHAT

Nakamit ni Jesus ang tagumpay para sa atin sa ganap Niyang gawa sa krus. Ngayon ay makakapamuhay na tayo ng matagumpay kapag nanalig tayo sa Kanya. Ngunit hindi ibig sabihin nito na magiging balintiyak na lamang tayo sa ating pamumuhay. Kalooban ng Diyos na maisabuhay natin ang tagumpay na bigay sa atin ni Kristo. Sa aralin na ito, matututunan natin ang mga mahahalagang biblikal na prinsipiyo kung papaano natin mapagtatagumpayan ang mga laban na ating kinakaharap.

1 Suotin ang buong baluti ng Diyos.

Kaya gamitin n'yo ang lahat ng kagamitang pandigma na ibinigay sa inyo ng Diyos, para sa oras na dumating ang kasamaan ay magawa ninyong makipaglaban, at pagkatapos ng pakikipaglaban ay manatili pa rin kayong matatag. EFESO 6:13

Hinihikayat tayo ng Bibliya na suotin ang buong baluti ng Diyos at maging handa upang manindigan. Ibig sabihin ay dapat tayong maging handa sa lahat ng oras at pangunahan na ang mga pagsulong ng kaaway. Ano ang ipinangako ni Jesus sa atin sa Juan 16:33? Papaano nito napapalakas ang iyong kalooban?

2 Dalhin ang panangga ng pananampalataya.

Di lang iyan, gamitin n'yo rin bilang panangga ang pananampalataya n'yo para hindi kayo tablan ng mga panunukso ni Satanas na parang mga palasong nagliliyab. EFESO 6:16

Araw-araw ay pinapatamaan tayo ng pagdududa, mga hindi makaDiyos na pag-iisip, at mga kasinungalingan na makaaalis sa atin sa gitna ng kalooban ng Diyos sa ating buhay. Ang panangga ng pananampalataya ay pag-iingat ng Diyos sa atin upang makakapagpatuloy tayo sa katotohanan ng Kanyang kapangyarihan at tagumpay (1 Pedro 1:5). Ano ang pananampalataya? Kanino nakasalalay ang ating pananampalataya?

3 Manalangin sa Espiritu.

At manalangin kayo sa lahat ng oras sa tulong ng Banal na Espiritu. Ipanalangin n'yo ang lahat ng dapat ipanalangin. Huwag kayong magpabaya; patuloy kayong manalangin lalo na para sa lahat ng mga pinabanal. EFESO 6:18

Tulad ng kahit na anong estratehiya sa labanan, ang pakikipag-usap ng kumander at ng kanyang mga sundalo ay mahalaga. Ang panalangin ay ating ugnayan sa Ama na gumagabay sa atin tungo sa katagumpayan at naglalaan para sa ating pangangailangan. Ano ang pupwede nating ipanalangin? May hangganan ba ito? Bakit natin kailangang ipagdasal ang mga pinabanal?
